

Instala Aire acondicionado na bo cas AWOR!



Tel. 2170

ARUBA ANSE COURANT



Diario



pa Aruba



ANJA 21

DIASABRA 11 DI JUNI 1960

Nr. 3756

Carta di Gezaghheber Gorsira na miembronan di Eilandsraad Corsou

VILLEMSTAD, 10 juni — Awe Gezaghheber Gorsira di Corsou a manda e siguiente carta pa e miembronan di Eilandsraad di Corsou: „En bista dje decreto real di dia 30 di januari, mi ta di opinion cu ta na beneficio dje isla Corsou en particular y na beneficio di Antillas Hulandes en general, pa e partidonan cu actualmente ta opone otro na Corsou jega na colaboracion, pa haci posible pa forma un Bestuurscollege a base han-

tu. Como cu tur e gruponan representan den e Eilandsraad mester tin desecho di colabora, mi ta pidi tur miembro dje raad, pa trata na jega na e cooperacion aki.

Ta un placer pa mi por informa bo aad, cu mi a worde informa pa ministro presidente di Antillas, cu gobierno di Antillas Hulandes lo keda

Voluntarionan lo bringa pa independencia di Congo

SALISBURY, 10 juni. — Dr. Hastings Banda, lider dje congreso africano di Nyassaland, a declara cu voluntarionan africano lo bringa pa independencia di Congo si ta necesario. „Nos lo juda e congolensnan proteha nan independencia, maske si esey significa cu algun di nos mester muri“, asina el a bisa.

contentu, si e partidonan por jega na un acuerdo, manera ta worde nifica aki. E ministro presidente a bisa acenualmente tambe cu, si esey no ta posible, lo e no ta motibo pa prolonga e situacion abnormal actual mas tantu cu lo ta estrictamente necesario.

En bista dje importancia dje asunto aki mi ta haci un apelacion urgente na tur miembro di raad pa trata seriamente pa jega na un acuerdo.

Opinion di

mr. dr. Da Costa Gomez

Mr. dr. M. W. F. da Costa Gomez, presidente dje partido nacional di pueblo, kende ta na Hulanda actualmente, a expresa como su opinion tocante e carta di Gezaghheber lo siguiente:

„Esaki ta e prome declaracion tocante posible discusionnan. Ta pareci cu un tal jamamentu na e miembronan di Eilandsraad, manera el a socede awor den publico, no ta e ma-


nera mas elegante posible pa hanja un solucion den un atmosfera di confianza. Un apelacion na e partidonan, di cual traccionan den Eilandsraad a worde forma, lo por surti e efecto preciso.

En general mi ta di opinion cu den un asunto tanto serio, lo ta mehor pa no bati e trem den publico. Lo mi kier mira, tur cos desarrolla nan mes den un atmosfera di tranquilidad.

Comentario di ministro Lampe

E ministro plenipotenciario di Antillas Hulandes na Den Haag, sr. W. F. M. Lampe, a bisa:

„Mi ta di opinion cu e carta aki ta un paso den bon direccion, tambe pasobra e ta kita tur duda dje hendenan cu posiblemente ta pensa ainda, cu e partidonan antillano di gobierno no ta dispuesto na colabora pa termina e conflicto. Ta un acto positivo, cu ta en acuerdo tambe cu deseo di gobierno di reinado. Mi no ta di acuerdo cu sr. Da Costa Gomez tocante local ta mi opinion, cu tal problemaman, cu ta di interes general y den cual tur grupo dje comunidad ta interesa, no mester worde diseña privadamente. Nos sistema democratico ta asina, cu tur hende mester sabi co ta socede“.



Colecte na Lago a produci fls. 1.500 y comestible pa Chili

SAN NICOLAS — Antayera y ayera e senjoritaan di Roode Kruis Kolonne y padvindernan a tene un colecte pa Chile na maine gate di Lago. E comite „Aruba Yuda Chili“ di seccion San Nicolas a haci bon uso di e dianan di pago. Durante e dos dianan aki e damanan a colecta casi fl. 1.500 y e padvindernan cu tabata para banda di Lago Commissary a banja easi un truck yen di comestibles di e hendenan cu a bin haci nan compranan na Lago Commissary. Tambe e muhebanan di Commandeur Pieter Boerschool a trece basta hopi comestibles

di nan cas pa e victimanan di Chili. Riba e portret aki nos ta mira un empleado di Lago haciendo su contribucion.

Probablemente awe Prins Bernhard lo bai Soestdijk

DEN HAAG, 10 juni. — E mediconan di SAR Prins Bernhard a informa cu temperatura di SAR a keda normal. Por spera cu lo e por bai Soestdijk bek diasabra.

Restriccion nobo di zeta-no tin tantu influencia riba Lago

ORANJESTAD — Recientemente gobierno di Estados Unidos a anuncia notanan nobo pa importacion di productonan petrolero. E cuotanan aki ta valido pa e di tres trimestre, esta te cu 31 di september proximo. Nan ta afecta specialmente e importacion di azeta residuo, cu ta un producto importante di Lago. Cu 240.000 barril pa dia, o sea cu mas o menos 50 por ciento, e importacion di e producto aki a ser reduci.

E medida aki ta resulta (naturalmente) den un reduccion di e exportacion di azeta combustible di Lago pa Estados Unidos. Pero den circulonan di Lago nan ta calcula cu e reduccion aki pa Estados Unidos, pa un parti lo ser recuperada en aumentacion di exportacion di e mesun producto pa otro paisnan.

E produccion di e refineria pa consecuencia di e medida nobo ya a bira algo menos cuba y e enbarkanan di azeta crudo for di Venezuela correspondiente na esaki tambe a bira menos.

Por lo demas ora cu ta tene cuenta cu loke ta para aki riba tambe mester tuma na consideracion e temporada. Cu otro palabra, no ta imposibel cu e importacion durante e delaster trimestre lo aumenta 'trobe. Durante lunanan di verano semper menos azeta ta worde usa cu durante lunanan di invierno. Como


que sea, atrobe a keda claramente comprobado con un medida tuma den un pais lejano sin embargo ta haci influencia riba Lago.

ULTIMO EDICION DI „THE CARIBBEAN“

ORANJESTAD — Anja 14, number 4, ta e ultimo edicion di „The Caribbean“, e revista mensual di Caribische Commissie. Den un carta cu nos a ricibi huntu cu e ultimo edicion e secretario di e commissie ta informa, cu „The Caribbean“ a sail pa delaster biaha.

Motibu ta cu e Caribische Commissie a worde liquida y cu na su lugar ta bini e Organisacion Caribe. E organisacion aki ta funda na San Juan, P.R. Rico, den curso di anja entrante. Probablemente e organisacion aki despues tambe lo publica su propio noticiero.

Den e ultimo edicion di „The Caribbean“ por lo demas nan a dedica hopi atencion na Antillas Neerlandesas. E edicion ta cuminsa cu un articulo di diputado O. S. Henriquez tocante e plan di awa te mes un articulo aki a yega di sali caba den „The Bridge“ di Fatum). Dr. J. S. Zaneveld tambe a skirbi un articulo tocante e lamannan rond di Antillas den e ultimo edicion aki.



Nescafé... of course,

It gives you

delightful roaster-fresh coffee: just NESCAFÉ, hot water or milk... then sit back, and enjoy it!

Every time, a really good cup: for a pleasant "lift" and roaster-fresh taste in your cup, NESCAFÉ's the coffee!

It's honest-to-goodness coffee, exactly right in your cup: NESCAFÉ is simply the result of a skillful blending of choice coffee beans, roasted to perfection, carefully "home-brewed": so convenient, so economical.

Deeply satisfying, delightful roaster-fresh coffee

NESCAFÉ

*blended and roasted
... to your taste*

get it at your grocer's



Pa un bril, cu ta haci bo atractivo:

SPRITZER * FUHRMANN OPTICA

ORANJESTAD TEL. 1320
SAN NICOLAS TEL. 5015

APARATONAN MODERNO
PA SLIJP TUR GLAS

La Esperanza ta bai traha Supermarket na San Nicolas tambe

DI TRES DEN LINJA

ORANJESTAD — Trabounan ta warde haci na e momentonan aki na confeccion di e disenjo pa construcion di un supermarket di mas di 2.000 m² superficie, cu lo bira e di tres den linja di e supermarketnan La Esperanza. E di tres negoshi aki lo bini na af den vecindario di San Nicolas. Ta berdad cu e sitio na unda nan ta bai construi e edificio ta conoci cerca e directiva, pero nan no ta reda e lugar ainda. E publico lo hanja e oportunidad pa medio di un concurso di bisa na unda La Esperanza Na. 3 la bini. Muy pronto por spera mas noticia tocante e concurso aki.

Loke ta para aki riba ta den un kaski di pinda e noticia importante, cu pa medio di avisonan den e corant aki, a worde anuncia pa varios dia caba, Senjor E. Wever, director di La Esperanza N.V., cu a informa nos di un y otro ayera mañata, a pronostica cu ora cu e tres negoshinan ta funcionando tur loke nan por, nan lo tin huntu un despacho entre fls. 800.000, pa fls. 1.000.000, — pa luna.

E parti mas grandi ta bini for di e negoshi na Oranjestad, cu lo habri su portanan mediano di november, despues lo sigi e negoshi na San Nicolas y e actual negoshi na Savaneta (Pos Chiquito) lo tin e ora ey e despacho di mas chikito.

Central di compras

„Aki na cinco luna mas o menos

nos propio central di compras lo cuminsa funciona“, asina senjor Wever a bisa. E central aki lo bin traha basta ariba su mes, es decir, un departamento completamente apart di e supermarketnan lo hanja e posibilidad di crece na un sociedad anonima ariba su mes.

E central aki lo por y kier duna merecencia na e otro tiendanan tambe. Senjor Wever ta actualmente den conversacion cu un di e negoshinan di comestible di mas grandi di Corsou, Ohjeio di e comersacionnan ta, segun senjor Wever, pa jega na un central di compras comun pa tur e dos negoshinan. „E ora nos lo cumpra mas barato ainda y asina laga e prijsnan baha mucho mas“, tahata conclusia di e senjor Wever ariba e aviso aki.

Dentro di un anja

E construcion di e supermarket na Oranjestad ta bai completamente segun e plan. Na fin di october e firma Petrona & Croes lo entrega e edificio, cu lo worde habri mediano di november. Dentro di un anja senjor Wever ta pensa na cuminsa cu construcion di e negoshi na San Nicolas. Na luna di januari nan lo cuminsa cu construcion di segundo parti di e negoshi na Oranjestad. E parti di adlanti di e negoshi aki tin un superficie di 1.800 M², e parti di atras ta net mes grandi. E construcion di e edificio na Oranjestad ta costa cinco cien mil florin, esun na San Nicolas lo bin costa mas di dos cien mil. E superficie total di esun na Savaneta (Pos Chiquito) ta 2.200 M².

Prestamo di obligacion

E fianzacion pa esaki lo worde arregla for di e capital di e accionnan y tambe for di un prestamo di obligacion cu lo worde duna otro luna. Na e momento aki nan tin casi un million florin deposita na accionnan. E kapital total di e accionnan ta fls. 2 million. E prestamo di obligacion lo ta di mei million florin, dividi den partinan di cinco cien florin, cu un tempo di eireulacion di 5 anja, y un interes di 6% pa anja. Di e manera aki e fianzacion di e plannan pa expansion ta

worde asegura. Tin mas plannan ainda, pero riba esakitan senjor Wever no kier a bisa nada te ainda. „Mi ta publica solamente loke ta tuma lugar sigur, cu e otro negoshinan nos no ta completamente ela ainda“, tabata su comentario. Tocante e resultadonan di e anja aki e tabata masha satisfecho. „Nos despacho riba e promer cinco lunanan di e anja aki ta 35% mas halto cu riba e promer cinco lunanan di 1959“, segun senjor Wever.



Stoof na candela

Brandweer a worde jama pa un candela gen parcela Kazernestraat 3 na San Nicolas diahuebs atardi pa 6.15. Parece cu e candela a cuminsa den un edificio di dos piso, cu ta habita pa e dama B. M. Spuit 9 a zorg pa paga e candela y pa mas seguridad a keda munda awa te pa 7 or di anochi.

Ta probable cu e causa ta debi na un stoof cu nan a hai laga sendi.

**Pa tur bo aseguranan
FATUM — Tel.: 1845**

GRUNDIG

**AWOR ATROBE
UN SURTIDO
COMPLETO**

**CERCA NOS BO RADIO
BIEU TIN
MAS VALOR!**

**NOBO:
TAPEREORDERS
STEREOFONICO**

**MACHIN DI DICTA
STENOMATIC
COMPLEMENTAMENTE AUTOMATICO**

**CONSOLES
MASHA BUNITA ACABA
SONIDO PERFECTO!**

NEME IMPORT — EXPORT CO.

FUTBOL **FUTBOL** **FUTBOL**

ARUBA VOETBAL BOND

ta presenta

AWENOCHI 11 DI JUNI PA 8.00 'OR P.M.
den WILHELMINA STADION

ARUBA JRS vs. S.U.B.T.
„COPA ANTILLANA“

PRIS ESPECIAL: Tribune Fl. 2.— Staapplaats: Fl. 1.—

—o—

DIADOMINGO 12 DI JUNI PA 4.00 'OR P.M.
den WILHELMINA STADION

RIVERPLATE vs. LA FAMA
(A-klasse)

ENTRADA: Fl. 0.50 Fl. 0.50

Dos muchu en un kaarfil.

—o—

DIADOMINGO 12 DI JUNI PA 4.00 'OR P.M.
den SPORT CENTRUM NOORD

U.J.N. vs. EIFSTERREN
(B-klasse)

ENTRADA: Fl. 0.50

BASEBALL **BASEBALL** **BASEBALL**

CAMPEONATO DI
"ORANJESTAD LITTLE LEAGUE BASEBALL"

Diadomingo 12 di juni pa 10.00'or a.m.
den WILHELMINA STADION

Aruba Bottling Co. — fabricadora di es refresco „Oso-Grape“ es refresco di tur deportista ta anuncia:

Prome encuentro
OSO-GRAPE vs. ARROW

Segundo encuentro
Adams Chiclets vs. Friesche Vlag

Bin weita muchanan di bo barrio den accion pa solamente Fl. 0.50 pa hende grandi y Fl. 0.25 pa mucha.

Tambe bo por gana un bunita premio cu bo tickete di entrada.

KILL FLIES

A few short bursts of Pif Paf and flying insects drop down and out. A direct burst of Pif Paf kills crawling insects too. Fatal to insects yet harmless to human beings and warm blooded animals.

at the touch of a button!

One tin is all you need for treating an average size room 100 times. Pif Paf is the modern way to fight the insect menace. Get Pif Paf NOW.

NO FUSS... NO MESS... JUST PRESS
MANSUR TRADING CO.

Tel: 1050—1051

Uncle Ben's
CONVERTED
LONG GRAIN RICE

Helps grow healthier bodies because it gives you twice the natural B vitamins of ordinary rice

Uncle Ben's
CONVERTED LONG GRAIN RICE

USE EXTRA WATER

Helps grow healthier bodies

Senjor Green di Lago to-cante „Experimentacion“

ORANJESTAD — Senjor C. R. Green, technical superintendent di Lago, e siman aki a papia tocante e trabounan di experimentacion pa e organisacion di Standard. E charla aki a tuma lugar den e programa semanal di Lago via e tres emisoran local. Senjor Green a bisa entre otro:

„Productonan di e otro partinan di e industria por word e expresa na haril of galon. E producto di experimentacion no por word e midi. Pasobra simplemente e ta un flujo constante di idea y informacion tecnico pa otro partinan di e compania.

Nos mes compania pariente. Standard Oil (New Jersey) tabata un di prome cu a drenta den experimentacion industrial y durante 40 anja e ta un di e prominentenan den e ramo aki. Pesey, un gran parti di leke mi ta bisa ta toca nos mes. Esso Research and Engineering Company y e actividadnan di experimentacion cu ta word e conduci door di nos otro afiliadonan.

Mayor parti di loke experimentacion ta haci ta destina pa aumenta e utilidad di azeta. Cientistanan ta traha pa descubri saber nobo. Loke nan haya sabi ta haci posible pa nan crea productonan di petroleo y quimico henteramente nobo. ... uso nobo pa productonan di azeta. ... ingrediente nobo pa haci productonan mehor. ... pruebanan nobo pa garantiza calidad di productonan. ... y metodonan nobo di fabricacion.

Crecimiento tremendo

Den e anjanan reciente un crecemento tremendo a tuma lugar den experimentacion pareu cu e crecimiento di industria petroliero mes. Trinta aña pasa henter industria petroliero di Estados Unidos tabata emplea solamente 200 expert den experimentacion; awe tin como 15,000 persona den e actividadnan aki.

Den nos mes caso, Esso Research and Engineering a cuminsa na 1919 cu 26 empleado, y awor e tin 3,000. Nos compania pariente den un aña reciente a gasta mas di \$ 55,000,000 ariba experimentacion. Leke ta un bon indicacion di importancia di e actividad aki.

E crecemento aki ta simbolo di eon enormemente complica e industria a bira. Un tempo e productonan principal di petroleo tabata kerosine, gasoline y combustible. For di e tres aki e lista a crece den virtualmente miles.

Mayor parti di herde ta pensa tocante usonan di petroleo grandemente den sentido di energia — esta pa furni eforza di motor pa auto, aeroplano, bapor y trein. Pero petroleo ta involvi den trahamto di mea di nylon, cabuya, tapiti, tire di auto, tubo di plastic, cosmetico, y hopi cientos di otro articulo cu aparentemente no tin ningun clase di conexion cu e liquido color scur cu hende conoce como petroleo erudo.

E milagronan aki — y milagro nan ta, maske tin ora nos no ta considera nan asina — ta e resultado di experimentacion.

Cientos di productos

E ramo di experimentacion ta mucho grandi y mucho tecnico pa drenta

Voetuitslag in 3 Dagen Genezen

Jeuken, schijnen of branden Uw voeten zoo erg, dat U er bijna gek van wordt? Harst, schijft of bloeit de huid? De werkelijke oorzaak van deze huidziekten is een ziektekiem, die door de gehele wereld verspreid is en met verschillende namen genoemd wordt, zoals Athletenvoeten, Singapoer schurft, Dholyschurft, U raakt deze kwaal niet kwijt, tenzij U de klemmen verslijderat. Een nieuw ontdekking, Nixoderm genaamd, maakt binnen 7 minuten een einde aan de jeuk, doodt de klemmen in 24 uur en maakt de huid zacht, glad en gaaf in 3 dagen. Nixoderm is zoo succesrijk, dat het wordt gegarandeerd de huid, niet alleen van de voeten, maar ook de hardnekkige gevallen van Huiduitslag, Pustelen, Bloedvinnen, Steenpuistelen en Ringwormen in het gezicht of op het lichaam te genezen. Zoo niet, geld terug tegen het ledige pakje. Vraag nog heden Uw apotheker naar Nixoderm. De garantie beschermt U.

Nixoderm
Tegen Huidziekten

den mucho detaye tocante dje den un corto charla manera esaki, pero laga mi toca ariba solamente algun di e problemanan tecnico cu hendenan di experimentacion ta traha cu ne:

Was cu ta hini for di azeta por word e traha den un hela cu ta kima perfectamente. En cambio, cientistanan a desaroya e mes was aki den un diferente producto cu no ta kima por total y por word e usa pa haci panja di hela resistente contra awa. ...

Combustible pa un avion di reacion cu a para anochi den temperatura bao zero mester corre y duna ignicion tan rapido cu e piloto pusha e boton di start. ...

Lubricante mester word e desaroya cu ta traha satisfactoriamente den e shutter minuscule di un camera, otro dos bearing di motor di un aeroplano vinda e temperatura ta 600 grado Fahrenheit y otro pa obra dentro di e rolnan pisa di un planta gigantesco di steel. ...

Cientistanan di petroleo ta traha ariba miles di problemas manera esaki.

Laga nos wak un momento e serio di traha cu ta desaroya un producto totalmente nobo for di azeta. Recientemente un di nos combinacionan afilia a cubri traha ariba cu vama nolypropylene, un plastic cu por word e traha den bota, botella of cubiwa, of insulation electrica, of tubo, of nobilmente cientos di otro productonan cu ainda mester hini.

E producto valioso y util aki a bini na bida den test tubes di laboratorio di nos compania di experimentacion despues di lunanan largo di traba door di docena di cientista. Eventualmente un planta chikito di prueba a word e traha cual ta produci 100 liber di e material pa dia. Cu experiencia gana for di esaki un segunda planta di prueba a word e traha cu por produci 2,000 liber pa dia. Esaki a furni e informacion y experiencia cu awor a word e desaroya den un planta di tamjanjo completo cu ta produci mas di 100,000 liber pa dia, y eventualmente e capacidad aki lo bira tres bez mas grandi. Y tur esaki a cuminsa den e test tube chikito di glas di un cientista.

Experimentacion manera esaki ta parti di e antiguo buscada di humanidad pa saber, y e ideanan cu e ta general, usa pacificamente y constructivamente, ta contribui na progreso di humanidad. Experimentacion ta un hazo vital den e contribucionnan di industria petroliero na un mehor modo di bida.

Violadornan ley di trafico dilanti huez

ORANJESTAD — Lo ta un suceso masha oplauidable si un mainta di raad na nos isla pasa sin cu tin violadornan di trafico po presenta dilanti di huez. Asina ta cu ayera mainta, mescos cu ocasionnan anterior; algun cu a kere cu manehando un auto bou di influencia ta algo cu ley ta permiti, mester a duno cuenta no mr J.J.M. van Gent, kende a bini pa algun dia for di Corsow.

J. C. T. un jovenc di 28 anja y empleado di Lago tabata bahando for di San Nicolas den A-881, huntu cu otro tres amigo. E seis cerbez y seis rumoke cu T. a bebe sigur a haci influencia alcoholico ariba dje. E auto tabata bahando cu velocidad enorme; sali for di caminda banda di Ecury Garage na Parkietbos, y bai bolter un poco mas leu, kedaendo tur na filigrana. Un di e pasaheronan tambe a word e herida a consecuencia di esaki, y a word e hospitalisa.

E acusado den su flus herde, centrario cu hopi otro, a demostra cabalerismo dilanti huez, haciendo declaracionnan afirmativo, sin trata ningun momento di seonde su culpabilidad. Esaki a haci cu e caso a tuma masha poco tempo di tratamiento.

E pruebanan haci dilanti polis tur tabata malo. Polisnan a constata cu bo tabata absolutamente na un estado di no por a mancha un auto", mr. Van Gent a lesa den e proces verbal. E acusado ta admiti tur esaki cu su mannan cruza su dilanti, y a agrega cu algo prome cu e auto a bolter un tire a bula for di otro.

Un cos ta sigur, si ho no tabata bau di influencia y e velocidad me-

VERLOFGANGERS

Vrije gemeub. huizen, villa's enz. in geheel Nederl. tijdelijk te huur in de midden- en hogere prijskl. Tijdevak en gezinssamenstelling tijdelijk veranderen.

VERLOFGANGERS-INSTITUUT
PE - KA - RAB
(sinds 1950)
Dir. D. Stoffels, Fr. Huls. 80, Hillversum

Slim Fat Away

If fat ruins your figure or makes you short of breath and endangers your health, you will find it easy to lose a half pound a day with the new Hollywood method called PROMOD. No drastic dieting or exercise. Absolutely safe. Ask your chemist for PROMOD and start slimming tomorrow.



Sunbeam Alpine nobo-elegante y confortable

ORANJESTAD — Ser donjo di un sportwagen, no ta nifica aluda cu bo ta donjo di e auto cu mas velocidad y mas elegante cu ta existi. Tabatin y ta existi diferente marcanan di sportwagen cu a conquista un lugar den e calidadiun aki. Pero un sportauto cu ta „drenta“ en exito, mester tin algun particular cu ta haci e sijnio di su donjo futuro. E mester ta un combinacion di velocidad, elegancia, comodidad, seguridad y last hut not least: un prijs cu ta na alcance di tur interesado.

E flamante Sunbeam Alpine, di Rootes Group cu ta fabricantenan di Hillman tambe, ta na exhibicion den diferente modelonan na e agente Mansur Trading. Bou di un body streamline, ta keda eubri un motor di cuater cylinder cu head di aluminio y cu dobbel carburador. Cu e auto aki un velocidad di 160 km pa ora por ser alcanza, cu un consumo di gasoline di 1 bira 9.2. E dashboard ta den un disposicion masha adecuada, sin instrumentonan exeso manera hopi biaha sa ta e caso. E stulnan ta comodo y fura excelente; mei mei di e dos stulnan tin un armsteun cu a la vez ta un compartimentu pa warda papelnan etc. Directamente ei dilanti mes tin un cenicero monta — nada di baki-nan den e dashboard! Tambe pa cambiamento di speed mas rapido esaki ta monta den center di e stulnan.

Patras tambe tin un banki smal, na unda muchanan por sinta eventualmente of cu por word e utiliza pa pone carga etc. Ademass, considerando e tamanjo di e auto, tin un espacio razonable patras na unda tin e wiel di spare. Esaki ta monta bou di un plachi di metal, di manera cu e carganan no por word e toca cu e wiel di spare. E Sunbeam Alpine ta obtenible cu kapa di subi baha

of cu kapa di metal cu por word e desmonta. Peso di e auto ta algu menos cu 2200 lbs. mientras cu e largura ta 3.88 y e anchura 1.51, na un altura di 1.29 meter.

LITERATONAN HULANDES A REGRESA CORSOW

ORANJESTAD — E dos literatonan hulandes, Anton van Dalenkerken y sra. Clara Eggink, kende como huespednan di senjor D. J. de Wit a pasa algun dia na Aruba y cu a tene causerianan na scolnan y pa e puhlico, a laga dos isla trobe.

E dos literatonan, den compania di sra. Hartog a haci nan compras parti mainta den diferente negoshinan di e shopping center, despues nan a sali cu avion di K.L.M.

Na e momento di despedida na Princess Beatrix airport nos a mira entre otro senjor D. J. de Wit y senjor y senjora Van den Berg. Pif Aruba Boekhandel, tambe senjor y senjora dr. J. Hartog di Openbare Leenzaal y Boekrij.

Senjorita D. Labega, e bibliotecaria di Corsow, kende como secretaria di e Boekenweekcomite na Corsow a haci nos isla un bishita, tambe a regresa pa Corsow mas laat den dia.

Entrenamento di oncena Antillano

(Di nos redactor deportivo)

ORANJESTAD — Mayan atardi na Corsow pa prome biaha pa enfrenta seleccion di Hulanda lo word e teni un training di un seleccion di Antillas Holandesas. Di Aruba a word e invita pa atende e practica aki un total di seis hungador. Esakinan ta di R.C.A. Breinburg, Juchl Jansen y Edwin Dirks, di Aruba Jrs Gochl Brion, di San Nicolas Jrs. Joy I. Rosa y di Bakota e keeper Yuhl Toppenberg.

E conocido portero Pupy Diaz originalmente ariba lista a cai afor debi na cu ainda e no ta completamente restableci di e golpi cu a causa su hospitalizacion.

Un total di seis practica lo word e teni prome, cu dia 29-di e luna aki baw direccion di Pedro da Cunha.

E entrenador aki a informa nos cu debi na cu na Corsow e hungadornan selecciona pa entrenamiento tabata atende e practicanan asina malo, tabata tin un proposicion pa laga e mes oncena cu a bai Cuba hunga contra di Hulanda. Lo tabata pues forma door di mayoria di Aruba. Pero poco despues di esey e interes pa e practicanan na Aruba tambe a decaer enormemente y tambe e idea ey mester a word e cancela. Ultimamente apenas ta presenta algun hungador di e seleccion grandi pa atende practica T.e hasta entrenador da Cunha, a duna su comentario ariba un noticia cu un equipo di Venezuela lo bin hunga na Aruba, cu lo no por la contra di un seleccion di Aruba ya cu Aruba no tin seleccion actualmente, pasobra un seleccion cu no ta practica no por ta existi. Nos ta hanja cu e brasileiro tin tur razon.

Ta un verdadero lastima cu esfuersonan ta word e haci pa paga un entrenador y toeh e hungadornan selecciona no ta muestra e interes cu ta word e spera for di nan.

Nos a puntra da Cunha kiko e ta kere lo por soluciona e problema ey. Y su contesta tabata cu el a propone Cuba pa un reglamento ser pasa door di directiva di AVB pa impone e siguiente castigo. Si un hungador keda sin presenta (naturalmente sin motibo aceptable) pa un practica di seleccion, e no por hunga den e proximo wega di su equipo. Esaki lo tin como efecto cu e clubnan tambe lo muestra interes pa e hungador bai practica, ya cu pa nan proximo wega nan lo hanja falta e ora di un bon hungador.

Den nos opinion esaki ta un solucion masha practico y ta di spera cu directiva di AVB teniendo cuenta cu bienestar di nos futbol, lo reconsidera e proposicion di entrenador da Cunha.

GEVRAAGD
VOOR DE SOCIALE VERZEKERINGSBANK I.O.

een leidinggevende kracht voor de Centrale Administratie

middelbare schoolopleiding met daarenboven boekhoudkundige opleiding en ervaring strekken tot aanbeveling.

een leidinggevende kracht voor de Afdeeling Aruba

middelbare schoolopleiding en ervaring in een leidende functie op administratief terrein strekken tot aanbeveling

Sollicitaties voor 20 juni a.s. te richten aan de Dir. S.V.B. i.o. Kuiperstraat 1, Willemstad.

Your best gift on FATHER'S DAY
(SUNDAY JUNE 19TH.)

BROWNIE

Starflash OUTFIT

With Starflash Camera in your choice of colors

Everything needed for day-and-night snapshotting. New Brownie Starflash Camera that takes Ektachrome color slides as well as black-and-white and Kodachrome snapshots. Built-in flashholder. Plus batteries, flashbulbs, Verichrome Pan Film, instructions. Camera available in your choice of four custom colors: coral red, skyline blue, stardust white, or jet black.

ALL FOR FI. 21.90

Distributors:

NEME IMPORT-EXPORT CO.

... (E) ta sigoi

Aunque cu e salon di plata y e salon di baile cu tabata confina cune riba su mes cuba tabata asina impresionante. Theresa tabatin e sentimento cu a lo largo e por a custumbrha na tantennan continuo n'e castillo.

CISCO KID

1. „Cu mi la quico?“ „Un cobarde!“
2. „Bo a dal mi ora mi no tabata por a defende mi... y solamente un cobarde ta dal un persona indefensa!“
3. „Conque bo ta insulta mi?“




JUAN EL INTREPIDO

1. „Ya ta hira seur... esta un trio! Te qui ora nan lo laga nos asina?“ „Te ora nos papia... of te ora e comandante chino jega y e aplica metodo mas moderno!“
2. Mientras e mensahero di Shargu ta jgando na e guarnicion di e rojonan...



DICK TRACY

1. „Move!“ „Nos mester laga e motornan traha promer, of nos lo no subi nunca.“
2. Haku a cay riba un idea ora e ta cay siata.
3. Pa expres e la laga e bloki dilanti di e wielnan di e avion y ai Fifth di Flytace no a nota esey.
4. E avion no por move. „E muraya di awa no ta ni 3 minuut leuw.“




RIP KIRBY

1. „Un minuto, Stanton! No ta interesa bo pa sabi quico a pasa cu John Constance?“
2. „Mi quier sabi, Kirby.“
3. „Mi a quere cu Doom a mate y a zink e barco, pero te awor mi no a logra pa nan hiba mi na e lugar cu e tesoro tabata.“
4. „Boso lo no hiba mi placat Promer lo boso mester mata, mi!“



EL PRECIO DEL TRIUNFO

1. „Bo quier pa Derek odia Saxon? pero, paquico, baron...?“ „E motivo exacto no ta toca bo, querida, pero abo lo mester pone e medio nan pa logra esey!“
2. „Pero... di con?“
3. Bo ta muher... un muher bella... un muher inteligente... mi no mester duna mas detalle, pero quizas ta mehor mi haci esey!“ Pa cuminsa un amiga di mi. Mlle Duval, ta bay duna un baile di mascara! Lo bo pidiel pa judel cu e lista di invitados... Lalo Saxon mester ta invita y e mester asisti!“



EL DIARIO DE UNA VIDA

1. „Esaki ta un producto nobo... un saus cu alinjo... y...“
2. „Señorita... mi tia dos jiu muher... y mi sa como tata, ora un muher ta cerca di cumiza jora... bo quier esaki?“
3. „Mi quier... ta... mi sá!“



PEPITA

1. „No huy! Mi quier pa bo queda traha awenochi!“
2. „Pero Pepita ta warda mi pa comel!“ „Esaki ta un traha masha importante! Lo mi paga bo extra!“
3. „Lo mi pensa mi, pero bo mester bay mas leuw pa convence mi...“
4. „Convencido!“



„BRASIL“ NO POR A HACI E TRABAO

Gezaghebber mester dicidi den e conflicto di cobamentu

Cobamentu di Annabaai no por spera

WILLEMSTAD — Ta na Gezaghebber di Corsou ta queda awor den prome instancia e decision over di un kestion entre Openbare Werken i Van der Kwast Construction Co., cu como primera oferta e dragado den boca di haf. Decision di Gezaghebber por ser spera denter di algun dia. Tin un posibilidad real, cu e problema lo ser someti na tres arbitro. E dificultadnan a presenta como cu e aparato „Brasil“ no a proba di ta na estado di haci e trabao pa cual un suma di 940.000 florin tabata meti. Foi algun die despues cu e zuiger aqui a bini special pa e trabao aqui foi Hulanda e trabao mester a paraliza i foi e dia ai a stop tur cobamentu, no obstante tempo ta preta enorme. Pa Curacao e interesnan aqui ta di primera orden cu drechamentu dje haf pa e tankernan grandi di Shell.

Awor cu e trabao a resulta un fracaso completo, ambos partida ta para enfrente di otro y, a jama decision di Gezaghebber Gorsira. Wel ta berdad cu ta existi e posibilidad, cu firma Boltje foi Zwolle na cual di su banda Van der Kwast a encarga e cobamentu, ainda por manda otro cutters pa Brazil, pero di eei ainda no tin seguridad. Tur cos ta awor den un stadium di consulto. Brasil tin 3 luna precies drumi den nos haf. Nan no ta traha.

Territorio insular di Corsou tabatin dos proyecto di ehecuto. Na prome luga e trahamentu di murajanan di dam cu demas trabaoonan.

Di dos e cobamentu di mas o menos 140.000 meter cubico na entrada di Sta. Annabaai, parti zuid-west di brug. E inscriptor di mas barata tabata Van der Kwast cu a tuma e trabao aqui riba su encargo pa \$ 1.724.000 y 940.000 florin.

E trahamentu di murajanan di dam no a trece ningun dificultad; e trabao aqui ta terminando. Pa e trabao di draga of cobamentu firma Van der Kwast mes no tabatin e aparatonan adecuado y ta p'sei di su banda e firma aqui a cerra un convenio cu un firma na Hulanda, Boltje en Zonen na Zwolle.

E proyecto

E destajo di fecha 22 di Januari 1959 a ser basa riba un proyecto di Openbare Werken di Corsou, e proyecto numero 25. Den e proyecto a inclui manera ta custumber, e condicionnan dje trabaoonan cu mester ser ehecuto a ser describi. A ser agrega 17 pinturanan mas huntu cune. En relacion cu e trabao di cobamentu a retona e mension general:

„Den perfil cobamentu di un canal te na un profundidat di C.P. — 15 meter cu talud nivelat di 1:2,5. Limpiamentu di tur muraja di dam, muraja di kade y fundeshinan etc. cu ta na kantu di awa dje murajanan nobo di dam cu tin di traha of si e trabao ta haci euba. Luego trahamentu di un bashamentu di piedra kantu dje damnan di Brionplein. Luego cobamentu dje talud dilanti dje muraja na Brionplein door di jenamentu dje luga aqui.“

Pa alejamiento dje material caba di e fondo tabatin dos posibilidad. E contratista por a tira esaki cualquier camina den lama, of usa esaki pa dempel e awa di Rif tras di stadion. Porfin un parti dje awa di Rif por a ser dempel te na Piscadera. Com esaki lo por a tuma luga a queda na encargo dje contratista. Pero e por a haci uso di un parti dje haf nobo di piscadon na empresa di waterleiding. Tabatin dos premio fija. Nan tabata di acuerdo over di dempelmentu dje awa di Rif.

A dura hasta tempo prome cu e material a yega. Ta qui dia e ta cumiza awor? DOW a cumiza na punta su mes. Segun e proyecto entre e trabao mester tabata cla dia 1 di februari dje anja aqui. E zuiger „Brasil“ a drenta St. Annabaai te riba dia 9 di maart y riba dia 26 a cumiza e trabao. A ser proba cu tabata bini asina e bloki grandi di piedra den e pomp, y den e caha di piedra, cu practicamente e trabao a bira imposible. Tin bez despues cu „Brasil“ a caba 5 minuut, e personal di Brasil mester a queda 5 ora ta saca piedra. Esaki tabata un trabao sin pia y sin cabez. Visiblemente e cutter dje zuiger no tabata na estado di por a gama e piedra hasta chiquitu.

Dje manera ei e proef di cobamentu

tu a paraliza y foi dje tempo ej practicamente nan no a haci nada mas.

Foutnan

Ta quico a pasa awor? Ta mas cu claro cu tabatin foutnan haci cu e trabao no a termina den e tempo razonable estipula.

En relacion cu esaki nos a tende di Openbare Werken cu den e proyecto tabatin papia asunto di proefheing dje servicio aqui, cu ta duna un impresion global di situacion dje suelo. Esaki tabata solamente un proef chiquito dje trabao grandi riba e proyecto. Awor e contratista lo por bise cu algun dje proefheing no a duna un idea exacto.

Immediatamente di parti di DOW e atencion ta ser jama, cu di antemano directie a distancia dje datonan, largando e responsabilidad exclusivamente riba e contratista. Den e proyecto tabata menciona loque e contratista tambe lo mester tabata na altura di dje. Ademas riba e proyecto tabata menciona tambe cu mester tene cuenta cu e p'sei di su baranca y semehantenan ta na cuenta di e

contratista, mesos cu alejamiento di sustinencia eventual den e cobamentu, manera resto di ankerman bieu, blokinan di beton, kabelnan, etc.

Na october di anja pasa Sr. Boltjes mes cu un aparato di sambuya a mira den e awa helder di St. Annabaai. Despues na februari el a manda su material di cobamentu.

Gran Interesnan

Unavez cu aqui tin interesnan considerable pa e firmaman di contratista Van der Kwast y Boltje, manera nos a bisa euba, un trabao den cual tin casi un million di florin nan antillano meti. Foi awor euba y sumanan enorme a bai perdi, door cu „Brasil“ a queda 3 luna inactivo.

Pa Territorio Insular di Curacao e cobamentu aqui tin masha apuro. Shell Curacao ta trece mas y mas tankeronan grandi den nabegacion y e bora di haf mester ta cla pronto. Awor cu masha dificultad un tankero grandi por pasa, pero havenmester no por juma e riesgo ei di un nabegacion regular dje vapornan aqui riba su responsabilidad.

Na fin di anja ta spera un navegacion continuo cu e tankeronan grandi. Pa por acepta esaki cu tur tranquilidad ta spera riba resultado di actividadnan di cobamentu na Brionplein.

Ta p'sei esaki no ta un disputa cu por para mira tranquilo lunanan largu. E decisionnan necesario lo no larga spera mucho riba nan.

Eisenhower lo bishita Tokio toch

WASHINGTON, 10 juni. — Casa Blanca a informa na Washington awe cu presidente Eisenhower lo bishita Tokio toch, no obstante e demostracion enemistoso contra Hager-

Ta desmenti cu labatin golpe di estado na Indonesia

DJAKARTA, 10 juni. — Circulonan oficial na Djakarta a desmenti e noticianan di prensa estranhero, segun cual tabatin un golpe di estado na Indonesia.

HOROSCOOP

DI AWE

ARIESNAN 11 Maart — 20 April



No haci nada pa cual bo por hinka bo culpa den trobbel. Bo tin tur bon chens.

TAURISNAN 21 April — 21 Mei



Spera poco di otronan riba terreno di planann of decisionnan confidente. Goza bon combito.

GERMINENAN 22 Mei — 21 juni



Paga bo debenan y no hiza gastu pone riba bo lombra. Ventaja cu bo ta spera por cambia.

CANCERNAN 22 Juni — 23 Juli



Haci uso di diplomacia y sea paciente pa bo familia y otronan. Duna e confianza na cas y trabao.

LEONAN 24 Juli — 23 Augustus




Paga atencion na salud y dieta ora cu bo n' ta sinti bo culpa bon. Queda foi dificultat di otronan.

VIRGONAN 24 Augustus — 23 September



Probablemente bo n' ta enteramente liber den bo hacirnan awe. Respeta deseo di otronan.

LIBRANAN 24 September — 23 October



Awe no ta dia di mucho aplicacion. Evita tur loque por stroba bo felicidad domestica.

SCORPIONAN 24 October — 22 November



No larga personanan fastioso of mes mal bijs trece trobbel den ambiente. Paseonan ta bon.

SAGITARIUSNAN 23 November — 21 December




Probablemente bo ta poco sensible den asunto di placa. Trata na domina salida di bo cartera.

CAPRICORNUSNAN 22 December — 20 Januari



Hala sentimentalidad unbanda y duna prueba di un proceder positivo pa cu bo ambiente.

ACUARIUSNAN 21 Januari — 19 Februari



Haci dje dia aki un dje dianan calmo. Evita tur problema. Muestra tur bo cooperacion.

PISCES 20 Februari — 20 Maart



No corre drenta conciernan nobo mucho lihe. Bo por sali equiboca. Comprende y vigila nan bon prome.